




“KE KU BU PENSA AMI N SEDU?”



AUTOR: CEZALTA BARBOSA CA’

ILUSTRASON: SHELL BOOKS









**I temba un fiju di sapu ku fiju di pis
ku na brinkaba sabi, era amigus. Fiju
di pis ta pensaba kuma fiju di sapu i
suma el.**





**Dipus di un tempu, oca ke na
brinka, pis jubi
fiju di sapu i falal: "Ey, amigu, ke
ku na pasa ku bo? Bu tene pe!"
Fiju di sapu falal: "Yee, i
bardadi."**





**Dipus di un tempu mas, oca ke
na brinka, pis jubi fiju di sapu i
falal: "Ey, amigu, ke ku
akontisi ku bo? Bu tene mon!"
Fiju di sapu falal: "Yee, bu sta
sertu."**




**Dipus di un tempu, oca ke na
brinka, pis jubi fiju di sapu i
falal: "Ey, amigu, algun kusa na
pasa ku bo? Bu pirdi bu rabu!"
Fiju di sapu falal: "Yee, bu sta
sertu."**





**Pis jubi un sapu na pedra i falal:
"amigu, bu parsi ku ki sapu."
Fiju di sapu falal: "Yee, Ami gosi
i sapu."**




**Fiju di sapu falal: "N dibi di bai
brinka ku el." I sai di riu i bai
brinka ku ki utru sapu na pedra.**



**Pis dingiba i misti kuntinua
brinka ku sapu. Nton i sai tan di
riu.**



**Dipus un bokadu son, pis ka
pudi da folgu. Sapu puntal: "Ke
ku manda bu sai di riu?" Pis
falal: "N mistiba brinka ku bos."**



**Ki sapus falal: "Bu ka pudi sai di
riu. Bu ten ku fika la." E
lambul e tornal na yagu. Plum!**